





GHULÓÓGHUL LEYL
WAL ME ESCHAY WOONG



Eew leesor mówghuugh igha e schiwel tchogh schagh pwel nge eschay woong e tellaawow me leliyel bwe ebwe toowow ghut meta ebwe angi. Woong we e ghi schuungi ghatchiw millikka a afeschi bwe ebwe angi nge aa tattaaw sángi milliwe imwal. Aa malleghuuw ló bwe ebwele teetá álet. Ngare e ghi ghatch reel mangemang nge essóbw taaw sangi imwal.

Woongul llo1 saschugh nge e ghatch
ngaliir schagh igha e tchogh iye. Bwe
ngare ese tchogh igha re lo iye nge
ressobw mmwelil faaragh. Me ngare alet
e ttilitiir nge rebwe maalo.

2.



Igha woong ghitighiit yeel aa fáffaárágh
nge álet aa ttiliti. Aa woghetagh sefaal
nge aa sefaaliti saschugh we leliyel.
Igha aa ghi kkaar woong we nge aa ghi
mwetemwaay le fáárágh. Aa ghi nngaw
mangemangil igha aa ghuleey schagh bwe
ebwele nngaw. Aa toolong llo1 eew ngaat
ila e lo faal eew faay tomwógh nge aa
sáng.

3.

Aa ghi angúúwtá aal sáng nge eschay ghulooghul ley1 wal aa rongorong igha aa arap ngali ighiwe woong we e lo iye. Ese ghi rong ghatch ghulóógh we nge bwete ebwe ira bwe eyoor schagh le e kke kkéé1. "Ghulooghul wal we aa ira bwe," Ibwe ghutta iyo ye e kke kkéé1. "Ibwe angali bwe ebwe abwungúúyey kkéé1 la yaal."

Iwe ghulóóghul ley1 wal we aa óruru fetaal me bwaliyaliiy feteleey faay we nge aa schuungi woong we. "Eel milliwe u ghal kkéé1 kkéé1 we e ghi lling, "Usu mwuschel bwe ubwe abwungúúyey kkéé1 mwu u ghal yááli? I mwuschel bwe ibwe ghukkule." "Isi kkéé1," Woong we aa angáli ghulóógh we. "Awar bwe i rongorong. "I mwuschel bwe ibwe ghukkule kkéé1 la. Ngáre use abwungúúyey nge imwu ibwe oromúghúló." "Issóbw metágh reel milla," Woong we aa ira. "E tchemaaw mille paarúúy nge imwu ebwe anngawóógh ló ngáre u urumiyyey ló. I ghuleey schagh bwe ussóbw fééri milla."



"Ngare esemmwel bwe ibwe urumighúlo, iwe ibwe ataroóghwow ighila e ghi kkaar álet meiye." Ghulóógh we aa ira nge aa ghal ghi aa sinng lo ngiil. "I sópwal metágh reel milla," "Bwe immwel schagh bwe ibwe llur long faal mille paarúúy."

"Iwe, ngare usu mwuschel bwe ubwe abwúngú yááy kkéél mwu yómw nge imwu ibwe ataróóghlong 11ó1 saschugh laal. "E nngaw olomwuul, ute atará yááy long 11ó1 saschugh, bwete aa ghal sáng woong we. Emmwel schagh bwe ibwe mwóóbw ngare u fééri ngáli yááy milla. I ghi lúghúúgh bwe use mángi bwe ubwe ómmwóbwu yaay. "Áwár, ibwe ómmwóbwuugh!" Ghulóógh we aa angali woong we. Ebwe ghi schagh nge aa ileytá woong we nge aa ataralong 11ó1 saschugh we. Nge met ese schóóul ló woong we. Aa ghi meseeygh igha ghulóóghul wal we e ló ataralong 11ó1 saschugh we. Aa ghal ghi yááf fetáál 11ó1 schaal we bwe ghulóógh we ete ghula. Aa ló aa bwááritá schimwel

me 11ó1 schaal we nge aa angálita' ghulóógh
we. Imway millel. I semmwelil tootolo
ighaal nge e ghatch schagh bwe u faar itto
bwe ubwe atooyaáyto igha leliyey iye.
Ghulóógh we esa yoorlo meta ebwe ira bwe
aa ghil lischi ló mwiril woong we.

ACTIVITIES

1. Emmwel ubwe drooli woong?
2. Aramas re kke mwungo woong?
3. E ghal kkéé1 woong we ngare e ghal sáng?
4. Meta woong we e fééri?
5. Meta kkewe ghulóógh we e ghal angali
woong we?
6. Eel drooli ghulóóghul wal we?
7. Meta we woong we bwete e ghal ghi
mesaghú?
8. E mwóóbw woong we ngare saabw?
9. Meta ghulóógh we aa feeri igha woong
we aa lo 11ó1 schaal we?